

De profundis, l'incipit dal salm 129, che la nestre int e cognosseve adaments, al presente l'esperience de malatie e dal dolôr.

Al è un libri, come che a son chei di pre Antoni Beline, autobiografic, là che lui al conte cun estreme scletece e cun profonde introspezion interiôr l'enesime e ultime, in ordin di timp, magagne e sdramassade che i je capitade a la sô za precarie salût: chê de dialisi.

Il teme dal mâl, fisic e morâl, dal dolôr, ma ancje de angosse, de pôre, de insurece, de sperance che al mâl si pein, al è un teme universâl che ogni persone, di ogni popul, di ogni culture e sot di ogni cîl, al scuen, timp o tart, frontâ.

Antoni Beline
de profundis

GLESIË FURLANE
RISULTIVIS



de profundis

Antoni Beline



GLESIË FURLANE

Vie Zara, 10

33030 - Vilegnove di San Denêl

www.glesiefurlane.org

3
GLESIË FURLANE
RISULTIVIS - OPERA OMNIA - 6



Presentazion

Al è di passe 30 agns che l'associazion culturâl Glesie Furlane e je presint tal cjamp de culture furlane, stampant ciclostilâts cuant che i beçs a son pôcs, publicant libris, ricercjis, studis, documents, musiche, organizant incuintris e conferencis, implantant ricorencis e celebracions di grant significât tant sul plan de storie civîl che di chês glesiastiche come il 3 di avrîl, la messe di Sant Ermacure e Furtunât, la messe par furlan de sabide a Udin. Di une dosene di agns cuntun statût o vin dât uficialitât a cheste associazion per podê gjoldi di cualchi contribût se si veve pes mans cualchi lavôr di particolâr finece e utilitât come l'Hosanna e il Gnûf Testament. Tal 2003, par interessament di cualchi anime buine de pulitiche, la nestre associazion e je jentrade tal art. 18 de leç regionâl n. 15 dal 1996. Chest at al è un ricognossiment dal lavôr costant e de passion gjenuine e disinteressade, ancje se mai spampanade e publicizade, che o vin metût in chescj agns di impegn e di lavôr a favôr de lenghe e de culture furlane.

Cheste gnove situazion nus da la pussibilitât di organizâ in maniere plui sistematiche e continuative dute la produzion leterarie, culturâl e lis ativitâts di nestre competence.

Par chel o vin pensât, tra l'altri, di predisponi des gloainis di libris.

Cun De profundis di Antoni Beline o inviìn la golaine "Risultivis" che, naturalmentri, si augurìn ch'è produsì a lunc materiâl di riflession, di cussientizazion e di culture dulà che il popul furlan al puedi lâ a bevi aghe vive, frescje, naturâl e gjenuine e par ristorâ e consolâ l'anime e il cûr di duçj chei ch'a àn sêt di vite.

De profundis, l'incipit dal salm 129, che la nestre int e cognosseve adaments, al presente l'esperience de malatie e dal dolôr.

Al è un libri, come che a son chei di Beline, autobiografic, là che lui al conte cun estreme scletece e cun profonde introspezion interiôr l'enesime e ultime, in ordin di timp, magagne e sdramassade che i je capitade a la sô za precarie salût: chês de dialisi.

Il teme dal mâl, fisic e morâl, dal dolôr, ma ancje de angosse, de pôre, de insignurece, de sperance che al mâl si pein, al è un teme universâl che ogni persone, di ogni popul, di ogni culture e sot di ogni cîl, al scuen, timp o tart, frontâ.

Pre Antoni, pûr jessint autobiografic o propit parcè che al è autobiografic, al da al argoment cheste valence universâl. Al è un libri chest che al pues jentrâ a plen dirit te leterature sapienziâl dal mont. Fat par furlan, ma no dome pai furlans!

Ognidun che al à sperimentât il mâl, la malatie, il dolôr si ricjate e si ricognòs benon dentri de sô analise e de sô riflession.

Lui al resone e al fâs resonâ, al pense e al fâs pensâ, al pree e al fâs preâ. Al fronte cun sapience, ma ancje cun fede, cheste tremende problematiche parcè che no baste une rassegnazion passive e fataliste par dâ sens a une vite plene di magagnis e par no "vivi di malâts".

O pensi e mi auguri che tancj di lôr, malâts e, parcè no?, ancje sans, leint De profundis a cjatin une lûs che ju judi a frontâ in maniere positive i moments plui grivis de vite.

pre Roman Michelotti